



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵ

«13» հուլիս 2023թ.

ք. Երևան, Ս. Դավթի 87Ա

ՈՐՈՇՈՒՄ N 2734-1-Ա ՎԱՐՉԱԿԱՆ ԱԿՏՆ ԱՆՎԱԿԵՐ ՃԱՆԱԶԵԼՈՒ ՄԱՍԻՆ

Հայաստանի Հանրապետության պետական եկամուտների կոմիտեի իրավաբանական վարչության պետ Ա. Մնացականյանս, քննարկելով ֆիզիկական անձ Սաթենիկ Սեդրակի Եսայանի վերաբերյալ վարչական վարույթի նյութերը,

ՊԱՐԶԵՑԻ

Համաձայն հարկային վարչարարության ընթացքում հարկային իրավախախտում հայտնաբերելուց անմիջապես հետո հարկային մարմնի պատասխանատու պաշտոնատար անձի կողմից կազմվող թիվ 33504/2021/ԿՈՒՎ4/Ն արձանագրության ֆիզիկական անձ Սաթենիկ Սեդրակի Եսայանի (ՀՎՀՀ՝ 25353607, հասցե՝ ք. Երևան Ուլնեցու փ., 54 <ա> տուն/ չկատարված հարկային պարտավորությունը 24.08.2021թ. դրությամբ կազմել է 212.104 դրամ, որից հարկ՝ 189.732 դրամ, տույժ՝ 22.372 դրամ, որը հաշվարկվել է ֆիզիկական անձի կողմից ք. Երևան Դավթի Անհաղթի փողոց 14 շենք 24 բն. հասցեում գտնվող անշարժ գույքը 20.02.2019թ-ից անորոշ ժամկետով ամսական 85.000 ՀՀ դրամ պայմանագրային արժեքով վարձակալության տրամադրելու արդյունքում՝ ՀՀ հարկային օրենսգրքի (այսուհետ Օրենսգիրք) 150-րդ հոդվածի 7-րդ կետով սահմանված կարգով: Վերոնշյալ պարտավորությունը գանձելու վերաբերյալ 17.10.2022 թվականին կայացվել է թիվ 2734-Ա որոշումը:

Հաշվի առնելով այն հանգամանքը, որ ֆիզիկական անձ Սաթենիկ Սեդրակի Եսայանը մահացել է 19.02.2019 թվականին, իսկ ՀՏ և ՌՎ վարչությունից ստացված թիվ Ն/71-4/87347-2023 գրության համաձայն նոտարների կողմից հարկային մարմին չի ներկայացվել ձեռնարկատիրական գործունեության առարկա հանդիսացող՝ ժառանգված գույքի և ժառանգի կողմից հարկային պարտավորությունները ստանձնելու մասով տեղեկատվություն, ուստի առկա են բավարար հիմքեր թիվ 33504/2021/ԿՈՒՎ4/Ն արձանագրության հիման վրա կայացված թիվ 2734-Ա որոշումն անվավեր ճանաչելու համար:

Ելնելով վերոգրյալից և ղեկավարվելով «Վարչարարության հիմունքների և վարչական վարույթի մասին» ՀՀ օրենքի 63-րդ հոդվածի 1-ին մասի «բ» կետով և 65-րդ հոդվածով՝

ՈՐՈՇԵՑԻ

Ֆիզիկական անձ Սաթենիկ Սեդրակի Եսայանի վերաբերյալ ՀՀ ՊԵԿ իրավաբանական վարչության պետի կողմից 17.10.2022 թ. կայացված թիվ 2734-Ա որոշումը ճանաչել անվավեր:

ԻՐԱՎԱԲԱՆԱԿԱՆ
ՎԱՐՉՈՒԹՅԱՆ ՊԵՏ

Կատարող՝
Իրավաբանական վարչության հարկատիր գաղմկան և
պարտավորությունների կատարման ապահովման բաժին
Արեգա Պարսեղյան
հեռ.՝ 010-309-191 (9136)



ԱՐՄԱՆ ՄՆԱՅԱԿԱՆՅԱՆ